

**ՓԱՍՏԱՔԱՆՆԵՐԸ ՆՈՒՅՆՊԵՍ ՄԻԱՑԵԼ ԵՆ «ՀԱՅԱՍՏԱՆ» ՀԱՄԱՀԱՅԿԱԿԱՆ ՀԻՄՆԱԴՐԱՄԻ ՆՎԻՐԱԲԵՐՈՒԹՅՈՒՆՆԵՐԻ ՆԱԽԱԶԵՆՈՒԹՅԱՆԸ**

09.10.2020 12:56



**«Մենք ենք, մեր սահմանները.**

**բոլորս Արցախի համար»**

Փաստաբանները ոչ միայն իրենց մասնագիտական առաքելությամբ, այլ նաև հասարակական նախաձեռնություններով մշտապես մասնակցում են Հայաստանի և Արցախի առջև ծառայած խնդիրների լուծումներին:

Փաստաբանների պալատի, Փաստաբանական դպրոցի, փաստաբանների, փաստաբանական գրասենյակների, ֆրանսիահայ բարերար Ռայմոնդ Եզեզեյանի, ինչպես նաև 12 ֆրանսիահայ փաստաբաններից ստացված ընդհանուր միջոցներից` **2020թ. հոկտեմբերի 2-ին 3.709.000 (երեք միլիոն յոթ հարյուր ինը հազար)** ՀՀ դրամի չափով օժանդակություն է ցուցաբերվել Արցախի Հանրապետությանը նախապես պայմանավորված պարենային մթերքների ձևով:

Այս ընթացքում փաստաբանների և ֆրանսահայ բարերար Ռայմոնդ Եզեզեյանի կողմից կրկին փոխանցումներ են կատարվել, ինչպես նաև փաստաբանական դպրոցն է փոխանցել նվիրատվության ֆոնդին 500.000 ՀՀ դրամ: Փաստաբանների պալատի խորհուրդը բյուջեով փաստաբանների ամանորյա միջոցառման համար նախատեսված 1.200.000 ՀՀ դրամը նույնպես ուղղել է նվիրաբերության ֆոնդին:

Փաստաբանների պալատի խորհուրդը 09.10.2020թ. թիվ 20-Լ միաձայն ընդունված որոշմամբ որոշել է նվիրաբերության ֆոնդի գումարից **5.500.000 (հինգ միլիոն հինգ հարյուր հազար) ՀՀ դրամ** փոխանցել «Հայաստան» համահայկական հիմնադրամին:

Տեղեկացնում ենք, որ ՀՀ փաստաբանների պալատի կողմից արդեն կատարված օժանդակության ընդհանուր գումարը կազմում է **9.209.000 (ինը միլիոն երկու հարյուր ինը հազար) ՀՀ դրամ:**

Նվիրատվության ֆոնդի մնացորդային միջոցները լրացվելուց հետո նույնպես կուղղվեն հանրօգուտ նպատակներին:

**Հ.Գ.** ՀՀ փաստաբանների պալատի նախաձեռնությամբ միացել է նաև Փարաքարի Սուրբ Հարություն Եկեղեցին` տրամադրելով 1.000 կգ ալյուր, որը հանձնվել է Հայաստանում Արցախի ներկայացուցչությանը:

Փաստաբաններից շատերն իրենց օժանդակությունն անմիջականորեն ուղղել են «Հայաստան» համահայկական հիմնադրամին և Արցախին:


Առաջնագծում են գտնվում նաև փաստաբանները, որոնց ընտանիքի անդամների հետ Փաստաբանների պալատի աշխատակիցները կապի մեջ են:

Հայաստանի Հանրապետության

փաստաբանների պալատի

մամուլի ծառայություն


# Առաջարկվող նորություններ




**30.09.2020** ՓԱՍՏԱԲԱՆՆԵՐԻ ՊԱԼԱՏԻ ՊԱՏՎԻՐԱԿՈՒԹՅՈՒՆԸ ԱՐՑԱԽՈՒՄ ՈՒՆԵՑԵԼ Է ՀԱՆԴԻՊՈՒՄՆԵՐ



**06.10.2020** ՍԱՀՄԱՆՎԵԼ ԵՆ ԱՆԴԱՄԱՎԾԱՐ ՎԾԱՐԵԼՈՒ ԵՎ ՎԵՐԱՊԱՏՐԱՍՄԱՆ ԴԱՍԸՆԹԱՑՆԵՐԻՆ ՄԱՍՆԱԿՑԵԼՈՒ ՊԱՐՏԱԿԱՆՈՒԹՅՈՒՆՆԵՐԻ ՀԵՏ ԿԱՊՎԱԾ ԱՐՏՈՆՈՒԹՅՈՒՆՆԵՐ



**08.10.2020** ԻՐԱՎԱՍՈՒ ՆԱԽԱՐԱՐՈՒԹՅՈՒՆՆԵՐՆ ԱՐՁԱԳԱՆՔԵԼ ԵՆ ԶՈՐԱՀԱՎԱՔԻՆ ՄԱՍՆԱԿՑՈՂ ԱՆՁԱՆՑ ԱՇԽԱՏԱՆՔԻ ՎԱՐՁԱՏՐՈՒԹՅԱՆ ՀԱՐՑՈՎ ՓԱՍՏԱԲԱՆՆԵՐԻ ՊԱԼԱՏԻ ՀԱՐՑՄԱՆԸ



**08.10.2020** ՓԱՍՏԱԲԱՆՆԵՐԻ ՊԱԼԱՏԸ ՀԱՆԴԵՍ Է ԵԿԵԼ ԴԵՍՊԱՆԱՏՆԵՐԻՆ, ՄԻՋԱԶԳԱՅԻՆ ԿԱՌՈՒՅՑՆԵՐԻՆ, ՓԱՍՏԱԲԱՆՆԵՐԻ ՄԻՈՒԹՅՈՒՆՆԵՐԻՆ ՈՒՂՂՎԱԾ ԿՈՉՈՎ

Վերադառնալ \$(window).load(function(){ if(typeof \$(".fb\_comments\_count").html() != "undefined" && parseInt(\$(".fb\_comments\_count").html()) != 0){ updateCommentsCount(window.location.href); } })